

## 4 Vokabulario

### Marco Polo

Hopi tempu pasá, hende tabata biaha pa paisnan leu. Asina un hóben italiano yamá Marco Polo a biaha pa hiba un karta pa un rei. E mester a bai un reino ku tabata keda leu ayá te den parti ost. Un reino ta un lugá masha grandi ku tin un rei na kabes. E tempu ei no tabatin outo. Marco a biaha den un karavana. Esaki ta un grupo di hende riba kabai òf kamel ku ta move huntu tras di otro. Den e karavana tabatin hende ku tabata bai troka produkto pa seda. Ku seda tabata traha paña karu pa hende riku.

E biahe tabata peligroso i nan tabata pasa riba seru i den desierto. Un desierto ta un tereno bashí masha grandi ku no tin mata i tin hopi skarsedat di awa.

Ora Marco a yega e pais ku awor yama China, el a entregá e karta na rei Kublai Khan.

Despues el a keda traha pa e rei akí. Asina el a biaha rònt e pais. El a bai diferente pueblesitu ku den e tempu ei niun hende no a tende di nan ainda.

Despues di a biaha 25 aña, Marco ker a bai su pais Italia bèk.

Promé e rei no ker a lag'é bai. Nan a bira bon amigu. Ma despues el a bisa: 'Bon, mi ta laga bo bai, basta bo kumpli ku un enkargo importante pa mi.' 'Mi ta hasi tur kos ku bo pidi mi,' Marco a respond'é. 'Wèl,' Kublai Khan a bisa, 'mi ta duna bo un flota di 14 barku, 700 matros i suficiente plaka si bo hiba un di nos prinsesanan e pais Persia. Aya lo e kasa ku e rei.'

Marco a hasi loke rei Kublai Khan a pidié. Despues el a nabegá bai su mes pais Italia bèk.

Pero na Italia situashon no tabata dje bon ei. Diferente siudat tabata den guera ku otro. Marco ker a yuda i a bira sòldá. Pero e trabou di un sòldá ta henteramente otro for di e trabou di un eksploradó. Marco tambe a ripará esei ora nan a kue e tambe prezu. Den su sèl, esta e kamber den prizòn, e tabata konta su kompañero di sèl tur su aventuranan. E persona akí tabata un eskritor. El a skibi ku luho di detaye tur loke Marco a eksperensia.

Asina Marco Polo a bira famoso; pasobra via di su buki el a laga tur hende di mundu sera konosí ku e pais fasinante China.

### Tarea 1


- Kiko bo ta yena?
- Lesa e frase bou di kada pintura.
- Buska e palabra ku falta, den e rei aki bou.
- Skibi e palabra den bo skref.

• desierto

• flota

• karavana


### Siman 3




Marco Polo a biaha bai un ... na parti ost pa hiba un karta pa rei Kublai Khan.




El a biaha riba kamel den un ...



E kamelnan a pasa den ..., esta un tereno grandi ku tiki mata i skarsedat di awa.



Hende tabata bai China pa troka produkto pa ..., un tela presioso.



Rei Kublai Khan a duna Marco un ... di 14 barku.



Den un ..., esta un kamber den prizòn, Marco a konta un eskritor di su aventuranan.

### Tarea 2

- Na nos isla tin hopi hende ku ta bini di China. Kiko abo sa di kustumber di e chinesnan akí?
- Kua kustumber chines bo ta gusta mas tantu?


• reino

### Tarea 3

- Abo lo ke ta un eksploradó? Splika bo kontesta.
- Kon lo bo ke biaha? Riba laman òf riba tera? Splika dikon.

• seda

• sèl



**5k Kua palabra bo ta yena?**

- Skohe e palabra korekto.
- Skibi e frase den bo skref.

aventuranan – desierto – enkargo – entregá – flota – impreshoná – karavana – kompañero – pais – reino – seda – sòldá



**Marco Polo**

1. Marco Polo a biaha ku un ... di hende i kamel.
2. Nan tabata pasa riba seru i den ...
3. Diferente hende ker a bai China pa troka produkto pa ... presioso.
4. Durante su biahe Marco a bishitá diferente ...
5. Ora Marco a yega China, el a ... un karta na rei Kublai Khan.
6. Despues el a traha 25 aña den e ... di Kublai Khan.
7. Promé ku Marco a bai Italia bèk, e mester a kumpli ku un ... mas.
8. Marco a haña un ... di 14 barku, 700 matros i suficiente plaka.
9. Na Italia Marco a bira ...
10. Ora el a kai será, el a konta su ... di sèl tur loke el a mira.
11. E ... di Marco Polo a ... tur hende.

**5l Kaba frase**

- Bo por kaba e frasenan? Hasié asina.
- Cristóbal Colón a deskubrí Cuba. E tabata un deskubridó.

- |                                      |                  |
|--------------------------------------|------------------|
| 1. Marco Polo a bai eksplorá China.  | E tabata un ...  |
| 2. Un prizonero a skibi un buki.     | E ta un ...      |
| 3. Hopi hende a bringa den e bataya. | Nan ta ...       |
| 4. E mucha ta grita masha duru.      | E ta un ...      |
| 5. Yùfrou a konta klas un kuenta.    | E ta un bon ...  |
| 6. E mucha akí ta papia henter dia.  | E ta un ...      |
| 7. E indjannan tabata traha duru.    | Nan tabata ...   |
| 8. E muchanan ta kanta bunita.       | Nan ta ...       |
| 9. Mi ruman ta kome henter dia.      | E ta un gran ... |
| 10. Mi bisiña ta strika paña pa nos. | E ta un ...      |

